



**Aningaasaqarnermut Aatsitassanullu
Naalakkersuisoq**

Ulloq: 3. juni 2016
J.nr.: 01.31.06/16-00721

**Aningaasaqarnermut Akileraartarnermullu Ataatsimiititaliap pingasunngornermi
ulloq 1. juni 2016-imi aalajangiineranik Naalakkersuisunut ilisimatitsineq.**

**Illuut A/S – ingerlatseqatigiiffiup siulersuisuisa aqutsisuisalu allanngorneri pillugit
ingerlatseqatigiiffiup ileqqoreqqusaasa allannguutaat. – Suliaq nr. 01.31.06/16-00721.**

” Naalakkersuisut inassutigaat,

- **ingerlatseqatigiiffiup** ileqqoreqqusai allanngortinneqassasut taamaasilluni siunissami siulersuisuni ilaasortaalersussat Namminersorlutik Oqartussani Qitiusumik Al-laffeqarfimmeersuujunnaarsillugit,
- **ingerlatseqatigiiffimmu**t ileqqoreqqusat ima allanngortinneqassasut, taamaalillutik pikkorissunik piginnaaneqarluartunillu qullersaqarfeqalissasoq akissarsiaqartinneqar-tunillu”

**Aningaasaqarnermut Akileraartarnermullu Ataatsimiititaliap oqaaseqaatai apeqqu-
taalu:**

Ataatsimiititaliap Naalakkersuisunut ulloq 8. april 2016-imi allagaanut qinnuteqaat una malitseqartitsissutaavoq, tassani suliamut oqaaseqaateqarnermigut taamani qinnuteqaat ima qulequtalik ataatsimiititaliap akuerinngilaa: ”Illuut A/S – ingerlatseqatigiiffiup siulersuisuisa aqutsisuisalu allanngorneri pillugit ingerlatseqatigiiffiup ileqqoreqqusaasa allannguutaat”. Suliaq nr. 01.31.06/16-00711.

Qinnuteqaatip matuma tigonera ataatsimiititaliamit qujassutigineqarpoq iluarisimaarneqar-porlu Naalakkersuisut taamaalillutik ataatsimiititaliap kissaataanik malinnimmata.

Aningaasaqarnermut Akileraartarnermullu Ataatsimiititaliap aalajangiinera

Siuliani allassimasunik oqaaseqaateqarluni Naalakkersuisut inassuteqaataat Aningaasa-qarnermut Akileraartarnermullu Ataatsimiititaliamit **akuersissutigineqarpoq**.

Med venlig hilsen

Jens Immanuelson
Formand for Finans- og Skatteudvalget